

方

言

疏

證

輔軒使者絕代語釋別國方言第三

戴震 疏證

陳楚之間凡人巽乳而雙產謂之釐孳音茲秦晉之間謂

之健子音輦自關而東趙魏之間謂之孿生蘇官反女謂之

嫁子言往適人

案說文孿一乳兩子也亦作孿廣雅釐孳健孿也雙

孿二也義本此釐亦作孳孳亦作孳玉篇云孳孳雙

生也雞鴨成健又引文字音義云江東呼畜雙產謂

之健

東齊之間婿謂之倩言可借倩也今俗呼女婿為卒便是也

案婿各本訛作聿今訂正史記倉公列傳黃氏諸僮
集解云徐廣曰僮者女婿也駟案方言曰東齊之閒
婿謂之僮郭璞曰言可假僮也說文云東齊婿謂之
僮廣雅婿謂之僮皆本此

燕齊之閒養馬者謂之媵今之溫厚也音振官婢女廡謂之媵

女廡婦人給使者亦名媵

案媵亦作倻後漢書文苑列傳虜倻倻注引方言倻
養馬人也玉篇引方言燕齊之閒謂養馬者曰倻說
文云官婢女隸謂之媵徐堅初學記引方言燕齊之
閒養馬者及奴婢女廡皆謂之媵

楚東海之閒亭父謂之亭公民亭卒謂之弩父主擔幔弩

云或謂之褚言衣赤也

褚音緒

案春秋昭公二年左傳請以申為褚師杜預注云褚

師市官說文褚卒也廣雅亭父褚卒也義本此

臧音勇謂勇侮獲奴婢賤稱也荆淮海岱雜齊之閒俗不純

罵奴曰臧罵婢曰獲齊之北鄙燕之北郊凡民男而壻

婢謂之臧女而婦奴謂之獲亡奴謂之臧亡婢謂之獲

皆異方罵奴婢之醜稱也自關而東陳魏宋楚之閒保

庸謂之保言可保信也秦晉之閒罵奴婢曰侮皆為人

所輕弄

案後漢書何敞傳然臧獲之謀注引方言臧獲奴婢

賤稱也荀子王霸篇則雖臧獲楊倞注云臧獲奴婢也方言謂荆淮海岱之間罵奴曰臧罵婢曰獲燕齊亡奴謂之臧亡婢謂之獲或曰取貨謂之臧擒得謂之獲皆謂有罪爲奴婢者故周禮云其奴男子入于罪隸女子入于舂槩史記魯仲連列傳臧獲且姜與之同名矣裴駟集解引方言荆淮海岱燕齊之間罵奴曰臧罵婢曰獲燕齊卽雜齊之訛廣韻引方言作荆淮海岱淮濟之間雜齊淮濟字形相近而訛各本增訛作聳漢書司馬遷傳且夫臧獲婢妾猶能引決注引應劭曰揚雄方言云海岱之間罵奴曰臧罵婢

曰獲燕之北郊民而聳婢謂之臧女而婦奴謂之獲
聳字亦轉寫之訛徐堅初學記引方言此條作壻今
據以訂正司馬相如列傳與保庸雜作集解引方言
保庸調之南方奴婢賤稱也調乃謂字訛舛南方二
字乃甬字訛舛甬作勇遂離而為南方亦校書者妄
以意改也賈誼過秦論材能不及中庸李善注引方
言庸賤稱也廣雅甬保庸使也侮獲婢也

為音譌訛譌五瓜反皆化混化也燕朝鮮冽水之間曰

混或曰譌雞伏卵而未孚音赴始化之時謂之混

案譌訛古通用爾雅釋言訛化也亦作吡詩幽風四

國是吡毛傳吡化也注內訛言當作音訛言之訛說
 文涅黑土在水中也論語涅而不緇注引孔安國云
 涅可以染皂是涅取染化之義廣雅譁為涅七也義
 本此七古化字

斟協汁也

謂和協也或曰
 潘汁所未能詳

北燕朝鮮冽水之閒曰斟自

關而陳曰協關西曰汁

案協汁古多無別周禮太史讀禮書而協事故書協
 作叶杜子春云叶協也書亦或為協或為汁鄉土汁
 曰鄭注云汁台也和也和合支幹善日釋文汁音協
 本亦作協大行人協辭命故書作叶詞命鄭司農云

叶當爲汁釋文叶音協汁之十反叶也又音協張衡
西京賦五緯相汁以旅於東井李善注引方言汁叶
也之十反注內潘汁各本訛作潘汁今訂正劉熙釋
名云宋魯人皆謂汁爲潘史記張儀列傳廚人進斟
司馬貞索隱云斟謂羹汁故名汁爲斟

蘇芥草也

漢書曰樵蘇而爨蘇猶蘆語轉也

江淮南楚之間曰蘇自關

而西或曰草或曰芥

或言菜也

南楚江湘之間謂之芥

模母反

案莊子天運篇蘇者取而爨之釋文李云蘇草也方
言江淮南楚之間謂之蘇春秋哀公元年左傳以民
爲土芥杜預注云芥草也謂之莽各本訛作謂之芥

方言疏證

卷三

戴氏遺書

四

微波榭刻

注內嫫母反脫反字張衡西京賦赴長莽薛綜注引
方言曰草南楚之閒謂之莽後卷十內莽嫫母反可
證此條訛脫今訂正廣雅蘇芥莽草也義本此

蘇亦荏也荏屬也爾雅曰蘇桂荏也鬪之東西或謂之蘇或謂之荏

周鄭之閒謂之公蕘音翽翠今江東人沅湘之南或謂呼荏為蕘音魚

之蕘今長沙人呼野蕘為蕘音潭蕘沅水名在武陵其小者謂之蕘菜蕘菜也亦蘇之

種類因名云

案爾雅釋草蘇桂荏郭注云蘇荏類故名桂荏徐鍇
說文繫傳云荏白蘇也桂荏紫蘇也後漢書馬融傳
桂荏鳧葵注引方言蘇亦荏也玉篇云長沙人呼野

蘇爲菁香菜菜蘇類也穰亦作穰廣雅公賁穰菜菁
在蘇也本此

蔓舊音蜂今江東音嵩字作菘也蕪鏡鈴菁也陳楚之郊謂之蔓魯齊

之郊謂之蕪關之東西謂之蕪菁趙魏之郊謂之大芥

其小者謂之辛芥或謂之幽芥其紫華者謂之蘆蕪江今

東名爲溫菘實如小豆羅甸二音東魯謂之菘蓮洛荅大合兩反

案蔓亦作葑詩邶風采葑采菲毛傳葑須也疏引方

言此條關之東西作關西趙魏之郊郊訛作部爾雅

釋草須發蕪疏卽錄詩疏故亦同誤鄭注坊記云葑

蔓菁也陳宋之閒謂之葑陸璣草木疏云幽州人或

方言疏證 卷三 戴氏遺 五 微波榭刻

謂之芥釋草又曰葵蘆葩郭璞注云葩宜爲蘆蘆葩
蕪菁屬紫花大根俗呼雹葵疏云紫花菘也俗呼溫
菘說文云蘆葩似蕪菁實如小苺者玉篇引方言蕪
江東呼菘蕪菁也蓋雜取注文言之又引方言東魯
人呼蘆葩爲菘蓮子廣韻菘蓮秦人呼蘿蔔廣雅蕪
蕪蕪精也菘蓮蘆葩也皆本此注內鈴鏡當作音鈴
鏡之鏡

菘

音儉

雞頭也北燕謂之菘

今江東亦名菘耳

青徐淮泗之間

謂之芡南楚江湖之間謂之雞頭或謂之鴈頭或謂之

烏頭

狀似烏頭故轉以名之

案菝各本多訛作菝曹毅之本不誤廣雅菝茨雞頭也本此曹憲音釋菝悅榮反玉篇引方言菝茨雞頭也北燕謂之菝廣韻引方言南楚謂之雞頭北燕謂之菝青徐淮泗之間謂之茨周禮籩人加豆之實蒨茨臬脯鄭注茨雞頭也疏云今人或謂之鴈頭

凡草木刺人北燕朝鮮之間謂之策爾雅曰或謂之壯

今淮南人亦呼壯壯傷也自關而東或謂之梗今之或謂

之刺刺者傷割人自關而西謂之刺江湘之間謂之棘

楚詞曰曾枝刺棘亦通語耳音已力反

案策各本訛作策今訂正爾雅釋草策刺郭注云草

刺針也關西謂之刺燕北朝鮮之閒曰萊見方言疏
 全引方言此條文竝同釋文引方言凡草木而刺人
 者北燕朝鮮之閒謂之萊關西呼萊壯為刺說文萊
 刺二字轉注徐鍇繫傳云此為草木之刺刺為斫刺
 之刺廣雅梗剡棘萊刺壯箴也古通用刺不必如徐
 鍇所辨別張衡西京賦梗林為之靡拉李善注引方
 言凡草木刺人為梗聘義廉而不刺鄭注云剡傷也
 釋文九衛反引字林剡利傷也楚辭橘頌曾枝圓棘
 洪興祖補注引方言凡草木刺人江湘之閒謂之棘
 凡飲藥傳藥而毒南楚之外謂之刺乖北燕朝鮮之閒

謂之癆癆癩皆辛東齊海岱之間謂之眼或謂之眩

亦今通自關而西謂之毒癩痛也

案說文楚人謂藥毒曰痛癩朝鮮謂藥毒曰癆眼各

本訛作眠曹毅之本不誤孟子引書曰若藥不眠眩

趙岐注云藥攻人疾先使眠眩憤亂尚書疏引方言

凡飲藥而毒東齊海岱間或謂之眠或謂之眩廣雅

癆毒癩痛也義本此

暹曉校苦快也校即狡狡戲自關而東或曰曉或曰暹

江淮陳楚之間曰暹宋鄭周洛韓魏之間曰苦東齊海

岱之間曰校自關而西曰快

案前卷二內逞苦了快也曉與了義蓋相因孟子於
人心獨無忮乎趙岐注云忮快也廣雅逞苦曉忮快
也義本此

膠譎詐也涼州西南之間曰膠自關而東西或曰譎或

曰膠汝南人呼欺為譎詭詐通語也

案說文云梁益曰謬欺天下曰譎郭璞爾雅序曰竝
多紛謬釋文引方言謬詐也廣雅謬譎詐膠欺也謬
與膠兩見今方言無謬詐也之語或此條脫一謬字
爾雅釋詁詐偽也疏全引方言此條文竝同列于黃
帝篇既而狎侮欺詒張湛注引方言相欺亦曰詒似

卽此條注文

掘擢拂戎拔也

今呼拔草心為掘烏拔反

自關而西或曰拔或曰掘

自關而東江淮南楚之間或曰戎東齊海岱之間曰掘

案孟子宋人有閔其苗之不长而掘之者趙岐注云

掘挺拔之欲亟長也潘岳為賈謐作贈陸機詩掘應

嘉舉李善注引方言掘拔也廣雅掘擢拂戎拔也義

本此

慰塵度尻也

周官云夫一塵宅也音纏約

江淮青徐之間曰慰東齊

海岱之間或曰塵或曰踐

案廣雅慰塵尻也義本此文選雜詩宴慰及私辰李

善注引方言慰居也尻居古通用周禮遂人夫一廛
注云廛居也城邑之居古音宅讀如度故宅度古多
通詩大雅宅是鎬京坊記引作度是鎬京周禮縫人
注引書度西今書作宅西他如史記五帝本紀五流
有度五度三居夏本紀三危既度論衡引詩此維與
度之類漢書注臣瓚云案古文宅度同是也

萃雜集也東齊曰聚

案詩陳風有鴉萃止毛傳萃集也鄭語先王以土與
金木水火雜以成百物韋昭注云雜合也廣雅萃雜
集聚也義本此

迨逌及也東齊曰迨音始關之東西曰逌或曰及

案爾雅釋言迨及也郭注云東齊曰迨又逌逌也注

云今荆楚人皆曰逌玉篇云迨逌行相及也

芟杜根也

今俗名韭根為芟音陔

東齊曰杜

詩曰徹彼桑杜是也

或曰芟

音撥

案爾雅釋草芟根郭注云俗呼韭根為芟潘岳懷舊

賦陳芟被于堂除悼亡詩枯芟帶墳隅李善注兩引

方言芟根也詩豳風徹彼桑土釋文云韓詩作杜方

言東齊謂根曰杜說文云芟艸根也春艸根枯引之

而發土為撥故謂之芟

班徹列也北燕曰班東齊曰徹

方言疏證

卷三

戴氏遺

九

微波樹刻

案趙岐注孟子班爵祿云班列也春秋昭公二年左
傳送從逆班杜預注云班列也任昉奏彈曹景宗曰
榮高列侯李善注引方言列班也所引即此文詩大
雅王命召伯徹申伯土田毛傳徹治也鄭箋云治者
正其井牧定其賦稅亦於班列之義為近廣雅列班
布也

瘼音莫瘼謂勞復也病也東齊海岱之間曰瘼或曰瘼秦曰瘼

音閻
或謹

案詩小雅亂離瘼矣毛傳瘼病也爾雅瘼病也郭注
云東齊曰瘼瘼亦作瘼玉篇瘼再病也廣韻瘼腹內

故病廣雅瘕瘕也

掩醜搵衣綵反作憤同也江淮南楚之間曰掩宋衛之間

曰綵或曰搵東齊曰醜

案掩奄古通用詩周頌奄有四方毛傳奄同也醜訓

類類亦同也孟子今天下地醜德齊莫能相尚趙岐

注云醜類也言今天下之人君土地相類以方言證

之於義尤明班固西都賦搵建章而連外屬王褒洞

簫賦搵其會合李善注兩引方言搵同也注內衣衣

當作音袞衣之袞玉篇綵周也類篇綵周也宋衛語

周卽同之訛說文作辭云會五采繒色亦於同之義

爲近廣雅棍粹醜同也粹當作粹

裕猷道也東齊曰裕或曰猷

案坊記引書爾有嘉謀嘉猷鄭注云猷道也猷繇古通用爾雅釋詁繇道也廣雅裕道也裕猷亦一聲之

轉

虔散殺也東齊曰散青徐淮楚之間曰虔

案虔訓殺已見前卷一內

汜音浼 音漫 音澗 湯注 烏蛙 反 洿皆洿 池也 自關而東或曰注或

曰汜東齊海岱之間或曰浼或曰澗荊州呼 潢也

案洿汗古通用說文洿濁水不流也一曰蘇下也汚

蕨也一曰小池爲汙澆汚也詩曰河水澆澆孟子曰
汝安能澆我海岱之間謂相汚曰澗注深池也潢積
水池孫奭孟子音義引方言東齊之間謂汚曰澆郭
注以爲皆滄池之名廣雅汜醜注染澗濩辱點汚也
蓋皆取蕨汚義澆醜古通用注內湯澗當作音湯爛
之爛

庸恣比比佺比更佚蹉代也齊曰佚江淮陳楚之間曰

佺餘四方之通語也今俗亦名更代

案庸備古通用恣當作佚說文佚遞也遞更易也佺
代也代更也佚迭古亦通春秋文公十一年穀梁傳

兄弟三人佚害中國范甯注云佚猶更也班固西都賦更盛迭貴李善注引方言迭代也廣雅庸比佺飲更迭代也義本此注內比次挺直蹉跌當作音比次之比音挺直之挺音蹉跌之跌

氓民也

民之總名音萌

案氓亦作𪔐詩衛風氓之蚩蚩毛傳氓民也周禮遂人以下劑致𪔐鄭注云變民言𪔐異外內也𪔐猶懵懵無知貌也亦借用萌漢書霍去病傳及厥衆萌顏師古注云萌字與𪔐同

仇

音舊仇也

謂怨仇也

案枕集韻作執引方言執仇也枕從木九聲仇從人九聲執字不合六書應卽枕之訛類篇收入九部蓋以爲從九求聲於義無取

寓寄也

案寓訓寄已見前卷二內

露敗也

案露見也春秋昭公元年左傳勿使有所壅闕湫底以露其體注露羸也易羸其瓶注羸敗也故有敗露之語

別治也

案辨別不淆紊故為治之義

棖法也 救傾之法

案說文棖杖也一曰法也與郭注救傾意合廣雅棖

法也義本此又棖堂古通用考工記弓人維角堂之

鄭注堂讀如堂岨之堂疏云堂岨取其正也釋文堂

直庚反

謫怒也 相責怒也音贖

案春秋桓公十八年左傳公謫之釋文云謫責也即

此注責怒之義

閒非也

案孟子政不足與閒也趙岐注云閒非也

格正也

案孟子惟大人為能格君心之非趙岐注云格正也

敷數也

偶物為麗故云數也

案說文廣雅竝云敷數也亦通作麗詩大雅其麗不

億毛傳麗數也

軫戾也

相乖戾也江東音善

案軫亦作軫戾亦作齧廣雅軫齧侑也王融永明九年策秀才文紛諍空軫李善注引方言曰軫謂相乖戾也即此條注文蓋脫一注字方言各本乖訛作了

今訂正

肩潔也 謂潔清也音辭

案廣雅肩潔也義本此詩邶風不我肩以邶風不肩

鬣也毛傳竝云肩絜也潔絜古通用

諱 章順反 罪也 謂罪惡也

案廣雅諱辜也義本此

俚 音聊 聊也 謂苟且也

案漢書季布欒布田叔傳贊曰其畫無俚之至耳注

晉灼曰楊雄方言俚聊也說文廣雅竝云俚聊也義

本此

相格本就也相稱成

案相各本訛作相注內同今訂正說文相素束也玉

篇廣韻竝云成熟與郭注成就貌合相乃門楸於義

無取

苙音困也謂蘭

案孟子既入其苙趙岐注云苙蘭也蘭闌古通用漢

書王莽傳與牛馬同蘭顏師古注云蘭謂遮蘭之若

牛馬蘭圈也

廋音搜也隱也謂隱

案廋本作度廣雅度隱也義本此晉語有秦客度辭

於朝韋昭注云度隱也謂以隱伏譎詭之言問於朝
東方朔曰非敢試之乃與爲隱耳是也

銛

音忝取也謂挑取也

案廣雅銛取也義本此趙岐注孟子以言餽之云餽
取也孫奭音義丁曰字書及諸書竝無此餽字郭璞
方言注云音忝謂挑取物也其字從金今此字從食
與方言不同蓋傳寫誤也

棖隨也

棖柱令相隨也

案棖檜古亦通用檜丑與反說文檜表柱也徐鉉云
今俗別作撐非是古多通用堂王延壽魯靈光殿賦

須捷

須捷狎

或謂之褱裂

裂衣褱貌

或謂之褱褱故左傳曰

篳路褱褱以君山林

篳路柴車

殆謂此也或謂之挾斯

猶挾

變也器物做亦謂挾斯

案爾雅釋詁際接契捷也郭注云捷謂相接續也則

須捷蓋俟補綴之意釋言斯離也挾斯應是接會其

綻裂者挾亦作俠廣雅俠斯敗也褱褱今左傳作藍

縷服虔注云言其縷破藍藍然疏引方言楚謂凡人

貧衣破醜敝為藍縷衣破即衣被之訛君啟古通用

撲

打

挺

音

漸盡也南楚凡物盡生者曰撲生

今種物皆生云撲地

也生也物空盡者曰挺挺賜也

亦中國之通語也

挺賜撲漸皆盡也

鋌空也語之轉也

案撲亦作撲本作樸廣韻樸草生穢也注內打撲當
作音打撲之撲鮑昭蕪城賦塵閉撲地歌吹沸天李
善注引方言撲盡也又引郭璞注作撲地出餘竝同
說文澌水索也玉篇云澌音賜水盡也蓋澌賜同音
故賜亦爲盡廣韻澌亦作傷鋌賜撲澌諸刻訛作連
此撲澌潘岳西征賦若循環之無賜李善注引方言
賜盡也鋌乎同音廣雅澌鋌盡也乎空也義皆本此
撲翁葉聚也樸屬葉相著貌楚謂之撲或謂之翁葉楚通語也
案廣雅翁葉聚也義本此撲屬考工記作撲屬鄭注

云樸屬猶附著詩大雅芄芃械樸鄭箋云相樸屬而生藜刻本皆訛作藜據永樂大典本作藜藜即藜字爾雅釋木樸枹者郭注云樸屬叢生者為枹

斟益也

言斟酌益之

南楚凡相益而又少謂之不斟凡病少

愈而加劇亦謂之不斟或謂之何斟

言雖少損無所益也

案廣雅廣韻竝云斟益也義本此

差閒知愈也南楚病愈者謂之差或謂之閒

言有閒隙

或謂

之知知通語也或謂之慧或謂之憭

慧憭皆意精明

或謂之瘳

或謂之蠲

蠲亦除也音涓刃一圭反

或謂之除

案愈亦作瘳漢書藝文志曰瘳為劇顏師古注云瘳

讀與愈同愈差也孔安國注論語少閒云少差曰閒
廣雅知瘞蠲除慧閒瘞愈也義本此差瘞古通用傳
亮爲宋公修楚元王墓教可蠲復近墓五家李善注
云郭璞方言注云蠲除也

輜軒使者絕代語釋別國方言第四

戴震 疏證

禪衣江淮南楚之間謂之襟楚辭曰遺余襟關之東西

謂之禪衣有裂者前地裂囊也房報反趙魏之間謂之衽衣無裂

者謂之衽衣音古謂之深衣制見

案漢書江充傳衽衣紗縠禪衣曲裾後垂交輸顏師

古注云禪衣制若今之朝服中禪也如淳曰交輸割

正幅使一頭狹若燕尾垂之兩旁見於後是禮深衣

續衽鉤邊後漢書馬援傳更為援制都布單衣注引

方言禪衣江淮南楚之間謂之襟關之東西謂之禪

衣禪單古通用禮記深衣篇鄭目錄云深衣連衣裳而純之以采者有表則謂之中衣劉熙釋名云禪衣言無裏也禪亦作禪說文云南楚謂禪衣曰禪廣雅禪禪衣也裏亦作袍春秋哀公十四年公羊傳反袂拭面涕沾袍何休注云袍衣前襟也袪程廣韻皆云禪衣史游急就篇禪衣蔽鄴布母縛顏師古注云禪衣似深衣而裏大

襟衿江淮南楚謂之禪裕禪裳自關而西謂之禭衿其

短者謂之禭衿禭音以布而無緣散而紩之謂之禭襖

自關而西謂之統襖俗名禭其蔽者謂之緻緻音故名之也

丁履
反

案漢書雋不疑傳衣黃襜褕顏師古注云襜褕直裾
禪衣襜褕亦作童容任昉奏彈劉整曰何其不能折
契鍾庚而襜帷交質李善注云方言江淮謂襜褕爲
童容荀子大略篇衣則豎褐不完楊倞注云豎褐僅
豎之褐亦短褐也史記秦始皇本紀夫寒者利裋褐
裴駟集解徐廣曰一作短小襦也司馬貞索隱云蓋
謂褐布豎裁爲勞役之衣短而且狹故謂之短褐亦
曰豎褐漢書貢禹傳裋褐不完顏注云裋者謂僮豎
所著布長襦也後漢書張衡傳士或解裋褐而襲黼

黻注云方言自關而西謂之襜褕短者謂之袒也光
武帝紀皆冠幘而服婦人衣諸于繡驅注云前書音
義曰諸于大掖衣也如婦人之袿衣字書無驅字續
漢書作襜竝音其物反揚雄方言曰襜褕其短者自
關而西謂之襜褕郭璞注云俗名襜掖據此則是諸
于上加繡襜如今之半臂也說文云直裾謂之襜褕
袒豎使布長襦小爾雅云襜褕謂之童容布褐而紩
之謂之藍縷急就篇襜褕袷復褶袴禪顏師古注云
襜褕直裾禪衣也

汗襦

廣雅作褕

江淮南楚之間謂之褕

音

自關而西或謂之

祇裯

祇音止裯丁半反亦呼為掩汗也

自關而東謂之甲襦陳魏宋楚

之閒謂之襜褕或謂之禪襦

今或呼衫為禪襦

案宋玉九辯被荷裯之晏晏兮王逸注云裯祇裯也

洪興祖補注引方言汗襦自關西謂之祇裯後漢書

羊續傳其資藏惟有布衾敝祇裯鹽麥數斛而已說

文云祇裯短衣劉熙釋名云荊州謂禪衣曰布襦亦

曰襜褕單襦如襦而無絮也玉篇云襜汗襦也徐堅

初學記引方言陳魏宋楚之閒謂之襜或謂之單襦

改禪為單脫一襦字廣雅襜褕祇裯襜褕也

肴陳魏之閒謂之帔

音披

自關而東或謂之襪

音碑今關西語然也

案說文云翥下裳也帔弘農謂翥帔也廣雅帔翥也
玉篇云襪關東人呼翥也徐堅初學記引方言陳魏
之間謂翥爲帔

蔽邾江淮之間謂之褱

音葦或暉

或謂之被

音沸

魏宋南楚之

間謂之大巾自關東西謂之蔽邾齊魯之郊謂之裊

昌詹

反

案褱被說文竝云蔽邾釋名云褱所以蔽邾前也齊
人謂之巨巾又曰跪褱廣雅大巾褱裊被蔽邾也本
此爾雅釋器衣蔽前謂之檐郭注云今蔽邾也釋文
云檐本或作檐方言作裊疏全引方言此條文竝同

末句誤連下文襦字引之小爾雅蔽郝謂之裯

襦字亦作褕又襦無右也西南蜀漢謂之曲領或謂之襦

案說文襦短衣也一曰難衣釋名云襦爽也言溫爽也曲領在內以中襟領上橫壅頸其狀曲也反閉襦之小者也卻向著之領反於背後閉其襟也注內又襦無右也卽釋名所謂以中襟之領使上橫壅頸者右無曲裾故曰無右急就篇袍襦表裏曲領希顏師注云長衣曰袍下至足跗短衣曰襦自郝以上後卷五內西南蜀漢之郊此條或改蜀為屬者非

禪陳楚江淮之間謂之裯錯勇反

案史記司馬相如列傳相如自著犢鼻禪裴駭集解
韋昭曰今三尺布作形如犢鼻矣釋名云禪貫兩腳
上繫腰中也禪亦作幘衲說文作幘又作幘廣雅作
衲竝云幘也顏師古注急就篇云袴合襠謂之禪最
親身者也

袴齊魯之間謂之襜

傳曰微襜與襠音騫

或謂之襠

今俗呼袴跣為襠音鮒魚

關西謂之袴

案釋名云袴跨也兩股各跨別也袴又作袴襜左傳
作褰說文云袴脛衣也褰袴也襠袴跣也廣雅襠謂
之袴

褕謂之袖

褕襦有袖者因名云

案釋名云半袖其袂半襦而施袖也是襦有不施袖者正文當云褕謂之半袖注當云襦之半袖者注內襦字亦舛誤襦不得言袖當是因上條而訛

袷謂之襖

即衣領也劫偃兩音

案袷袷古通用禮記玉藻篇袷二寸鄭注云曲領也深衣篇曲袷如矩以應方法注云袷交領也古者方領如今小兒衣領廣雅袷謂之襖本此廣韻袷襖並云衣領

袷謂之裾

衣後裾也或作祛廣雅云衣袖

案後漢書邊讓傳被輕往張衡思立賦揚雜錯之往
微稽康贈秀才入軍詩微風動往注皆引方言往謂
之裾

褸謂之衽

衣襟也或曰裳際也

案說文褸衽也禮玉藻篇衽當旁鄭注云衽謂裳幅
所交裂也凡衽者或殺而下或殺而上衽屬衣則垂
而放之屬裳則縫之以合前後上下相變深衣篇續
衽注云續猶屬也衽在裳旁者也屬連之不殊裳前
後也

褸謂之緹

縿褸緹結也

案縷縷古通用玉篇云縷貧無衣醜敝也綴縫補敝衣也

裯謂之襪亦謂襪敝衣無緣之衣謂之襪無袂之衣謂之

袴袂衣袖也音無裯之袴謂之褌袴無跨者即今犢鼻褌也裯亦褌字異耳

案襪又作縷說文云裯謂之襪縷襪無緣也無袂衣

謂之袴廣雅褌褌也皆本此

稍謂之粘干茗丁俠兩反未詳其義

案前言縷謂之衽後言縷謂之粘注皆以為衣衽獨

稍謂之粘云未詳其義廣雅總其辭曰稍粘衽謂之

縷郭璞在張揖後不取其說或廣雅稍粘二字本作

方言疏證 卷四 戴氏遺 六 微波揚刻

袖謂之祐脫謂之二字耳

衿謂之交衣交領也

案爾雅衣背謂之襟郭注云交領疏引方言衿謂之交襟衿古通用又作衿玉篇云交襟衣領也詩鄭風青青子衿漢石經作衿毛傳云青青衿青領也學子之所服也

衿尖劍反謂之襦

案說文襦謂之衿襦襦領也蓋以衿為小兒次衣掩頸下者襦有曲領之名故衿亦名襦

襦謂之被衣掖下也

案玉篇被衣掖下也本此條注文

佩紵

音謂之程所以系玉佩帶也

案漢書揚雄傳衿芟茄之綠衣兮注引應劭曰衿音
衿系之衿衿帶也衿衿古通用程亦作緹說文衿衣
系也緹系綬也廣雅佩衿謂之程本此曹憲音釋衿
騎禁反廣韻程佩帶

褱謂之衽

即衣衽也

案爾雅衣褱謂之視郭注云衣縷也疏云方言縷謂
之衽又謂之衽彼注云即衣衿也縷與褱衿與襟字
本通用

覆禕

反作憤

謂之禕衣偏禕謂之禕襦也

即衫

案廣雅覆禕禕衣也玉篇禕禕衣也皆本此

約纒謂之禕

今又呼為涼衣也灼纏兩音

案禕各本訛作禕今訂正玉篇於約字下云禕衣於

纒字下云約纒謂之禕也約即約之訛以郭注言今

又呼為涼衣證之不得為禕明矣

袒飾謂之直衿

婦人初嫁所著上衣直衿也袒音但

案衿各本訛作衿今訂正廣雅直衿謂之幅袒飾裏

明禕袍獨長襦也曹憲音釋衿音領幅於例反玉篇

云宜衿婦人初嫁所著上衣也褐袍也宜即直之訛

釋名云婦人以絳作衣裳上下連四起施緣亦曰袍

直領邪直而交下亦如丈夫袍方也衿領古通用

裏明謂之袍

廣雅云裏明長襦也

案釋名云袍丈夫著下至跗者

繞衿謂之幫

俗人呼接下江東通言下裳

案衿各本亦訛作衿今訂正廣雅繞領幫也本此

懸掩

音掩謂之緣衣縫緣也

案玉篇掩緣也廣韻掩衣縫緣也皆本此禮記玉藻

篇緣廣半寸鄭注云飾邊也

絮襦謂之蔽鄰

廣異名也

案廣雅大巾禕裯襜被蔽郝也襜見爾雅餘竝見前
獨遺絜襦之名蓋偶未省照耳

禕襦音禕謂之袖衣襟江東呼襦音婉

案廣雅禕襦袖也本此廣韻云襦禕衣袖亦本此而
訛玉篇標衣袂也

帟裯方廟反謂之被巾婦人領巾也

案廣雅帟裯被巾也本此玉篇帟婦人巾裯人領巾
皆本此條注文而有脫誤

繞緡音循謂之襦袴衣督脊也

案襦亦作袷說文云袷背縫史記佞幸傳顧見其衣

袷帶後穿又作禱說文云衣躬縫古通用督莊子養生主篇緣督以爲經皆據衣脊中縫言之玉篇廣韻督加衣旁作褶緇玉篇云繞緇廣韻緇縫也

厲謂之帶小爾雅曰帶之垂者爲厲

案詩小雅垂帶而厲毛傳厲帶之垂者也廣雅厲帶也本此

襜褕煩冤謂之幪卽把幪也

案韓非子外儲說左篇衛人有佐弋者烏至因先以

其襜麾之焉廣韻襜褕幪也本此玉篇云褕襜褕也幪也二字誤倒幪褕古通用詩大雅鞞鞞淺幪毛傳

幘覆式也疏云幘字禮記作帟周禮作祺字異而義同廣雅幘屨番襜市幘也

緊裕謂之襜

卽小兒次衣也
緊裕嘔三音

案說文云襜次裏衣廣雅緊裕襜次衣也此注及廣雅各本次皆訛作次今改正曹憲音釋繫烏雞反襜烏苟反玉篇云鑿裕襜也卽小兒次衣也本之此文及注鑿與繫同聲故用之

楚謂無緣之衣曰襜絺衣謂之襜秦謂之緜自關而西

秦晉之間無緣之衣謂之襜

嫌上說有未了
故復分明之

案說文幘楚謂無緣衣也本此幘卽襜

複襜江湘之間謂之襜音或謂之笏今笏袖之襜也

案襜即袒列子力命篇朕衣則袒褐張湛注云方言

袒複襜也潘岳藉田賦倚裳連襜李善注云方言複

襜江湖之間或謂之笏襜郭璞注曰襜即袂字也襜

襜同湖乃湘之訛笏乃笏之訛廣雅複襜謂之襜本

此

大袴謂之倒頓今褌小袴謂之袂今褌袴也今褌袴也楚通語

也

案玉篇袂衽小袴也顏師古注急就篇云袴大者謂

之倒頓小者謂之袂衽皆本此

幪巾也

巾主覆者故名幪也

大巾謂之帑

音芬嵩嶽之南山也今在

嵩高中岳

河南陽城縣

陳穎之間謂之帑

反奴豬

亦謂之幪

江東通呼巾帑耳

案尚書大傳下形墨幪鄭注云幪巾也使不得冠飾

以恥之也說文云楚謂大巾曰帑廣雅帑幪巾也玉

篇帑大巾也皆本此

絡頭帟頭也

音

緇紗績鬢帶

鬢羌位反

髮帶

髮音菜

帑

音精亦干

幪於

反燥頭也自關而西秦晉之郊曰絡頭南楚江湘之間

曰帟頭自河以北趙魏之間曰燥頭或謂之帑或謂之

幪其偏者謂之鬢帶

今之偏疊幪頭也

或謂之髮帶

髮亦結也

案廣雅帟頭帑鬢帶髮帶絡頭燥頭也鬢髮髻也釋

名云綃頭或曰陌頭言其從後橫陌而前也齊人謂之掩言掩斂髮使上從也綃卽燥陌卽陌列子湯問篇北國之人鞞巾而裘張湛注云方言俗人帕頭是也帕頭燥頭也帕又作鞞又作怵俗人二字當卽絡頭之訛陌帕同史記絳侯周勃世家太后以冒絮提文帝集解應劭曰陌額絮也晉灼曰巴蜀異物志謂頭上巾爲冒絮索隱引方言鞞巾南楚之間云陌額也此連上條爲一應劭稱陌額亦通方言作陌頭引之作陌額者或後因應劭語改而同之耳鄭康成注儀禮喪服篇云髻露紒也猶男子之括髮斬衰括髮

以麻則髻亦用麻以麻者自項而前交於額上卻繞
紒如著慘頭焉注士喪禮云免之制未聞舊說以爲
如冠狀廣一寸喪服小記曰斬衰髻髮以麻免而以
布此用麻布爲之狀如今之著慘頭矣自項中而前
交於額上卻繞紒也禮注之慘頭釋文慘七消反蓋
幪字轉寫之訛

覆結謂之幪巾或謂之承露或謂之覆髻今結籠是也皆趙
魏之間通語也

案後漢書光武帝紀皆冠幪注云漢官儀曰幪者古
之卑賤不冠者之所服也方言曰覆髻謂之幪或謂

之承露劉盆子傳半頭赤幘注云幘巾所以覆髻也
續漢書曰童子幘無屋示未成人也半頭幘卽空頂
幘也其上無屋故以爲名東宮故事曰太子有空頂
幘一枚卽半頭幘之製也結髻古通用廣雅承露幘
巾覆結也本此

扉音弱屨屨屨也徐充之郊謂之扉自關而西謂之屨中
有木者謂之複舄自關而東複屨其庫者謂之鞞下音鞞

鞞音鞞禪者謂之鞞今韋鞞也絲作之者謂之履麻作之者謂之

不借麤者謂之屨東北朝鮮洌水之間謂之鞞角鞞音

南楚江沔之間總謂之麤沔水今在襄陽西南梁益之間或謂

之屨

他回反字或作屨音同

或謂之屨

下瓦反一音畫

履其通語也徐士

邳圻之閒

今下邳也圻音祁

大麤謂之鞞角

今漆履有齒者

案廣雅屨屨麤鳥屨不借鞞角鞞履也屨屨也皆本

此春秋僖公四年左傳供其資糧屨屨杜預注云屨

草屨疏引方言屨粗屨也絲作之曰屨麻作之曰屨

粗者謂之屨周禮屨人鄭注云複下曰鳥禪下曰屨

疏云下謂底複重底麤粗通釋名云齊人謂韋屨曰

屨晚下如鳥不借言賤易有宜各自蓄之不假借人

也齊人云搏脂搏脂猶把鮓麤貌也荊州人曰麤麻

韋草皆同名也仰角屨上施履之名也鞞晚鞞仰假

借通用說文屣履也一曰青絲頭履也讀若阡陌之
陌玉篇云西南梁益謂履曰屣徐堅初學記引方言
絲作謂之履麻作謂之不借廣韻引方言履自關而
西謂之屣急就篇履舄鞞衰絨緞剝鞞印角褐鞞
巾裳韋不借爲牧人屣屨繫麤羸窶貧顏師古注云
鞞薄革小履也印角形若今之木履而下有齒羸者
麻泉雜履之名南楚江淮之間通謂羸印卽鞞
繡音綵兩音綵綵音綵綵也謂履中綵也音校關之東西或謂之繡或謂之
綵綵通語也

案詩齊風葛屣五兩冠綵雙止兩繡古通用說文繡

履兩枚也一曰絞也廣雅緇縵絞也本此玉篇云縵
履中絞本此注文

縵謂之縵

謂縵縵也音振

案孟子彼身織屨妻辟縵趙岐注云緝績其麻曰辟
練其麻曰縵故曰辟縵說文縵布縵也廣雅縵縵也
本此玉篇云縵絲縵縵也本此注文

方言疏證卷四終

輶軒使者絕代語釋別國方言第五

戴震 疏證

鍤

鍤屬也音富

北燕朝鮮洌水之間或謂之鍤

音臙

或謂之餅

餅

音富江淮陳楚之間謂之錡

或曰三脚錡也音技

或謂之鏤吳揚之

閒謂之萬

音歷

案詩召南維錡及釜毛傳錡釜屬有足曰錡考工記

萬實五穀厚半寸脣寸爾雅釋器鼎欵足者謂之萬

郭注云鼎曲脚也說文鍤釜大口者朝鮮謂釜曰鍤

江淮之間謂釜曰錡鏤釜也萬鼎屬實五穀斗二升

穀曰

釜自關而西或謂之釜或謂之鍤

鍤亦釜之總名

案釜亦作𩚑說文云𩚑鍤屬春秋隱公三年左傳筥

筥錡釜之器杜預注云有足曰錡無足曰釜廣雅鍤

戴氏遺

汲波附刻

鉞鏤高錡 鏞也蓋合
上二條以鏞為總名

甌自關而東謂之甌音或謂之鶯音岑涼或謂之酢餹

屋雷

案考工記陶人為甌實二鏞厚半寸脣寸甌實二鏞厚半寸脣寸七穿鄭注云量六斗四升曰鏞無底甌春秋成公二年公羊傳與我紀侯之甌何休注云或說甌玉甌詩檜風漑之釜鶯毛傳鶯釜屬也爾雅甌謂之鶯鶯多也孫炎注云關東謂甌為鶯涼州謂甌為多疏引方言此條文竝同方言各本餹訛作餹今從爾雅疏所引作餹為正說文餹飯氣蒸也餹即甌後漢書孝和帝紀貧人以衣履釜鶯為資注引方言甌自關而東謂之鶯說文甌甌也一穿曰甌鶯大釜也一曰鼎大小上下若甌曰鶯注內涼州各本訛作梁州廣韻多下引方言云涼州呼甌也當是此條注文與孫炎說同今據以訂正屋雷當作音屋雷之雷

盃音干朱楚魏之閒或謂之盃鳥管反盃謂之盃或謂之銚

銳音謠盃謂之權孟謂之柯轉相釋者廣異語也海岱東齊北燕之

閒或謂之盃音卷

案荀子正論篇故魯人以榘衛人用柯楊倛注云未詳

義曰方言盃謂之榘孟謂之柯今此條無榘字廣

雅銚銳柯權盃碗孟也碗即盃亦有權無榘孟亦作

杆後漢書顯宗孝明帝紀杆水脯糒而已注引方言

盃謂之孟說文孟飯器也盃小孟也盃玉篇作盃云

孟也注內謠音即音謠各本訛作謠語後卷十三內

銚銳下亦作謠音皆謂銚讀如謠也

盃音械封蓋酒盃薄淹開呼雅盃又章盃音栝也秦晉

之郊謂之盃所謂伯盃者也自關而東趙魏之閒曰械或曰盃

最小或曰盃其大者謂之閒吳越之閒曰盃齊右平原

方言疏證 卷五 戴氏遺 二 微波榘刻

以東或謂之盛栝其通語也

案廣雅盥盥械盃盃盃盃也本此說文云大栝為開栝杯同注內封緘酒酸當作音封緘之緘音酒酸

之

盛

瓠勺也

陳楚朱魏之間或謂之簞或謂之機

今江東通呼勺

音義

或謂之瓢

案漢書東方朔傳曰盞測海注引張晏曰盞瓠瓢也

楚辭九歎砲盞盞於筐篚王逸注云砲瓠也盞瓢也

洪興祖補注引方言盞陳楚宋魏之間或謂之瓢周

禮邕人祭門用瓢齋鄭注云瓢謂瓠盞也齋讀為齊

取甘瓠割去核以齊為尊盞盞古通用亦作盞廣雅

盞瓢也玉篇云機杓也盞為機也廣韻引方言盞或

謂之瓢又云盞瓠瓢也盞

以瓢為飲器也盞簞也

案陳楚朱魏之間謂之槁自關東西謂之案

案考工記玉人之事案十有二寸鄭注云案玉飾案也禮器篇注云禁如今方案隋長局足高三寸說文云案几屬廣雅案謂之檣本此

栝落 盛栝器 陳楚宋衛之間謂之栝落又謂之豆筥自

關東西謂之栝落

案廣雅豆筥杯落也本此筥筥古通用杯卽栝落落古通用落廣雅云居也栝落所以居栝說文作答云栝答也

箸筥 盛栝箸 陳楚宋魏之間謂之筥 鞞 或謂之羸 漢書

子黃金滿 自關而西謂之桶櫛 今俗亦通呼小籠為桶

籊音盈也 籊音籠冠櫛蘇勇反或

案廣雅籊籊筥桶櫛籊籊箸筥也筥亦作筥說文云宋魏謂筥筥為籊漢書韋賢傳注如淳曰籊竹器受三四

方言疏證 卷五 戴氏遺 三 微波榭刻

口罌也。瓮罌也。玉篇。甌大瓮儀禮既夕篇。甌二禮酒。鄭注云。甌瓦器也。古文甌皆作甌。禮器君尊瓦甌注云。瓦甌五斗。疏云。此瓦甌即燕禮公尊瓦大也。禮圖瓦大受五斗。口徑尺。頭高二寸。徑尺。大中身銳下平。潘岳馬汧督誅真壺鋪甌。甌以偵之。李善注引方言。甌罌也。周禮。凌人春始治鑑。注云。鑑如甌。大口以盛冰。疏云。漢時名爲甌。即今之甌。是也。爾雅。甌甌謂之甌。郭注云。甌甌小甌。長沙謂之甌。釋文於甌甌引方言云。甌也。又云。甌乙耕反。字亦作甌。疏全引方言。此條甌訛作甌。湘訛作湖。餘竝同。

罌陳魏宋楚之閒曰甌。音或曰甌。燕之東北。朝鮮洌

水之閒謂之甌。音亦腸。齊之東北。海岱之閒謂之甌。家無

甌石之儲者也。音僖。荷字或作僖。周洛韓鄭之閒謂之甌。或謂之罌。

案甌罌同音。蓋一字。荀子大略篇。流丸止於甌。與古通用。宋楚訛作楚。宋列子湯問篇。山名。壺領狀若甌。甌張。湛注云。甌甌謂瓦餅也。各本甌作僖。注內甌石之儲。

戴氏遺 跋附刻

者也作僖石之餘也今訂正史記貨殖列傳醬干既集解徐廣曰大罌缶索隱孟康曰罌受一石故云既石淮陰侯列傳守僖石之祿者集解晉灼曰揚雄方言海岱之間名罌為僖漢書應劭注云齊人名小罌為僖受二斛後漢書顯宗孝明帝紀生者無擔石之儲注云方言作既云罌也齊東北海岱之間謂之既郭璞注曰所謂家無既石之儲者也廣雅既既既罌也說文罌備火長頸餅也

罌謂之既

鼓

案說文作罌謂之既廣雅既罌也注內鼓擊當作音鼓擊之擊

罌謂之甗

案罌即甗亦作甗甗亦作甗易井九二甗敝浦釋文引鄭注云停水器也儀禮既夕篇甗三鄭注云甗瓦器其容蓋一斛說文云沒餅也廣雅甗罌也

缶謂之既

即盆也音偶

其小者謂之甗

案廣雅甝甝缶也本此說文云缶瓦器所以盛酒漿
素人鼓之以節詞易坎六四樽酒簋贰用缶離九三
不鼓缶而歌又井卦羸其瓶禮器五獻之尊門外缶
門內壺君尊瓦甝又曰夫與者老婦之祭也盛於盆
尊於甝鄭注云盆甝炊器也士喪禮新盆槃甝廢敦
重焉皆濯鄭注云盆以盛水甝以汲水也春秋襄公
九年左傳具緷缶杜預
注云緷汲索缶汲器

營甝謂之盎案爾雅甝康壺而方言以為盆自闕而西
未詳也甝郤蜀反盎烏浪反

或謂之盆或謂之盎其小者謂之升甝惡牟反亦音憂

案考工記盆實二鬴厚半寸脣寸爾雅盎謂之缶廣雅盎謂之盆

甝音邊陳魏宋楚之間謂之甝今河北人呼小盆為甝子杜啟反自闕而

西謂之甝其大者謂之甝

案後漢書隗囂傳奉盤錯鍤注云字詁鍤即甝音徒啟反方言曰宋楚之間謂盎為題題乃甝之訛楚辭

方音流蓬 戴氏遺 徵波謝刻

九諫 既既登於明堂今洪興祖補注云方言自闕而西盆盎小者曰既也說文云既似小甌大口而卑用食既小盆也廣雅 既既也本此

所以注斛 盛米穀寫 斛中者也 陳魏宋楚之間謂之篋 今江東亦呼為篋音

視 自闕而西謂之注箕陳魏宋楚之間謂之籬 籬亦籬屬也形

無耳 小而高

案廣雅斛注謂之篋本此玉篇云篋籬屬形小而高本此注文

炊箕謂之縮 漉米 或謂之篋 音 或謂之巨 音 旋江東呼浙籝

案廣雅篋篋篋也本此篋即篋之正體亦作篋說文云篋漉米篋也篋炊篋也玉篇云巨漉米篋也縮與

各本訛作浙籝今訂正

箒 今薰籠也 陳楚宋魏之間謂之牆居

案說文箒笮也可薰衣朱楚謂竹箒牆以居也廣雅箒籠也薰箒謂之牆居本此

扇自關而東謂之箒今江東亦通名自關而西謂之扇扇為箒音箒

案廣雅箒謂之扇玉篇云自關而東謂之箒自關而西謂之扇皆本此箒亦作翼春秋襄公二十五年左

傳四翼疏引方言自關而東謂扇為翼

碓機也碓音梢陳魏宋楚自關而東謂之碓音碓或謂之碓

即磨也錯碓反

案說文云碓春也主發謂之機古者雖父初作春磴磴也古者公輸班作磴磴磨同玉篇云磴磴也

緇也音橘自關而東周洛韓魏之閒謂之緇或謂之絡

音洛關西謂之緇

案廣雅緇絡緇也末句各本作謂之緇緇易井卦汔至亦未緇井羸其瓶釋文緇鄭云緇也方言云關西

方言流登 卷五 戴氏遺 六 微波榭刻

謂綆為編郭璞云汲水索也春秋襄公九年左傳具
綆缶疏引方言自關而東周洛韓魏之間謂之綆關
西謂之編所引末句
皆無綆字今刪正

櫪養馬器也梁宋齊楚北燕之間或謂之櫪音縮或謂之阜阜

之名於此乎出

案後漢書鄒陽傳使不羈之士與牛驥同阜顏師古
注引方言梁宋齊楚燕之間謂歷曰阜阜音在阜反
廣雅櫪阜櫪也本此玉篇云
櫪櫪也養馬器也本此注文

飢馬橐自關而西謂之襜囊音鶴或謂之襜筓或謂之

樓音樓音燕齊之間謂之帳廣雅作振

案飢即古飼字各本訛作飲字形相近而訛今廣雅
帳字與方言同襜作帳云帳筓樓筓帳囊也本此說
文筓飢馬器也飢亦訛作飲玉篇
筓飼馬器也可據以訂正二書

鉤縣物者 宋楚陳魏之間謂之鹿觥或呼鹿角 或謂之鉤格自

關而西謂之鉤或謂之鐵音微

案廣雅鹿觥鐵鉤也本此廣韻引埤蒼云鐵懸物鉤

雷燕之東北朝鮮洌水之間謂之𦉳湯料反此亦 宋魏

之間謂之鐸或謂之鐸音韋 江淮南楚之間謂之雷沅

之間謂之畚趙魏之間謂之臬字亦作 東齊謂之裡音駭

江東又呼鑿刃為鑿昔蔑反

案𦉳即銚詩周頌序乃錢鎛毛傳錢銚也釋文引世本云垂作銚鐸說文作朱云兩刃雷也宋魏曰朱也

又作鈇爾雅銚謂之𦉳郭注云皆古銚鐸字今爾雅

𦉳訛作𦉳銚鐸即鑿雷疏引方言此條𦉳字亦訛餘

竝同裡即相說文云𦉳從斗𦉳聲爾雅曰𦉳謂之𦉳古田器也銚一曰田器錢銚也古田器相雷也鑿河

戴氏遺

微波附刻

內謂舌頭金也廣雅錘畚裡杲舌也本此釋名云錘

插地起土也或曰銷或曰錘其板曰葉廣韻引方言

玉篇云杲舌屬今作錄
宋魏之閒謂之渠挈今江東名亦然諾豬反
或謂之渠疏

也語轉

案廣雅渠挈謂之杷本此渠挈亦作深榘玉篇深榘

杷也廣韻引方言把宋魏之閒謂之深挈把即杷之

訛深字與渠同音當即渠字訛舛而成若方言廣雅

作深不應郭璞曹憲不注其音也說文云杷收麥器

皆廣韻捌字引方言云無齒
杷即此條注文今本皆作杷
僉今連枷所
宋魏之閒謂之攝及音殊亦或謂之度今

東呼打為度
自關而西謂之楛蒲項或謂之拂音齊楚

江淮之閒謂之挾音偃快亦音車軼或謂之梲音

案齊語耒耜枷芟韋昭注云枷梯也所以擊草也荀
子性惡篇則兄弟相拂奪矣楊倞注云或曰拂字從
木旁弗擊也方言云自關而西謂之拂今之農器連
枷也說文梯擊禾連枷也枷梯也淮南謂之柶廣雅
柶梓柶攝受度杖也梯謂之枷皆本此度打一聲之
轉釋名曰枷加也加杖於柄頭以搗穗而出其穀也
或曰羅枷三杖而用之也或曰又杖轉於頭故以
名之也羅連亦一聲之轉玉篇云梓今連枷所以打
也穀

刈鉤江淮陳楚之閒謂之鉤音昭或謂之鈹音果自關而西

或謂之鈹或謂之鎌或謂之鋏音結

案周禮薙氏夏日至而夷之鄭注云以鉤鎌迫地芟
之也若今取芟矣齊語挾其槍刈耨鑿韋昭注云刈
鎌也又耒耜枷芟注云芟大鎌所以芟草也詩周頌
奄觀銍刈釋文云銍器可以穫禾鉤亦作鉤說文云
鉤鎌也鎌鋏也銍穫禾短鎌也鉤大鎌也鎌謂之鉤
張徹說廣韻引說文云關西呼鎌為鉤也今說文無
戴氏遺

此語當是兼取方言之文釋名云錄廉也體廉薄也
銓穫黍鐵也鋸鎌亦作划鎌玉篇云划鎌也鋸鎌皆
云划划也划亦云划划與鋸實一字廣雅划划鋸
鏤鎌也本方言此條而有划則無鋸玉篇分入兩部
故竝存之

薄宋魏陳楚江淮之間謂之苗或謂之麴此直語楚自聲轉耳

關而西謂之薄

案月令季春具曲植籩筐鄭注云時所以養蠶器也
曲薄也疏引方言此條文竝同說文苗蠶簿也又云
或說曲蠶簿也廣雅籩
謂之簿皆轉而從竹

檝燕之東北朝鮮洺水之間謂之檝揭棧也江東呼都音段

案爾雅檝謂之闌曲禮大夫士入君門由闌右不踐
闌鄭注云闌門檝闌門限說文檝弋也檝檝同杙弋
古通用各本檝訛作檝檝徒亂
反檝古雅反都檝一聲之轉

槌縣盤薄柱也度畏反宋魏陳楚江淮之間謂之植音植自關而西

謂之槌齊謂之样音陽其橫關西曰楸音楸亦名宋魏陳

楚江淮之間謂之楸音帶齊部謂之特音丁所以縣帶關

西謂之綫力冉反東齊海岱之間謂之縵相卞反宋魏陳楚

江淮之間謂之縵甲或謂之環環

案廣雅櫛檝持植样槌也綫縵索也縵絡也說文云

關東謂之槌關西謂之持扶槌之橫者也關西謂之

異縵落也扶檝同落當作絡所云關東西與方言異

槌字說文所無玉篇云槌蠶槌也植養蠶器也持槌

橫木也綫懸蠶薄橫也縵懸繩索皆本方言此條月

令具曲植籛筐鄭注云植槌也疏引方言样說作样

廣韻引方言懸蠶薄柱齊謂之

簞宋魏之間謂之笙今江東或謂之籛苗自關而西或

通言笙戴氏遺微波漸刻

謂之簞或謂之箝今云箝篋篋也其籛者謂之籛條自關而東

或謂之盞揅音剡江東呼籛籛為籛音廢

案左思吳都賦桃笙象簞劉逵注云桃笙桃枝簞也

吳人謂簞為笙又析象牙以為簞也廣韻引方言自

關而西謂之箝廣雅笙箝簞籛籛籛籛也盞籛

謂之籛籛皆本此籛揅古通用說文云簞竹席也籛

籛粗竹席也玉篇云籛條江東人呼籛也箝簞也詩

邶風籛籛不鮮籛條本粗竹席用為困者之名不可

使俯之疾以之故晉語曰籛籛不可使俯以言辭媚

悅人者常仰觀顏色病若籛籛故爾雅云籛籛口柔

符籛似籛條直文而粗自關而東周洛楚魏之間謂之

符籛江東呼籛音粗自關而西謂之符籛南楚之外謂之籛

符籛音羊案倚符亦作倚陽廣雅籛倚陽符籛也

木此玉篇云符籛竹筴籛籛籛也

牀齊魯之閒謂之簀牀版也陳楚之閒或謂之第音洋

姊其杠北燕朝鮮之閒謂之樹自關而西秦晉之閒謂

之杠南楚之閒謂之趙趙當作桃聲之轉也中國東齊亦呼杠為桃牀皆通語也

海岱之閒謂之樺音其上版衛之北郊趙魏之閒謂之

牒簡或曰牒履

案說文云牀安身之坐者簀牀棧也第牀簀也杠牀

前橫木也牒牀版也春秋襄公二十七年牀第之言

不踰闕杜預注云第簀也玉篇廣韻竝引方言云杠

東齊海岱之閒謂之樺今方言各本訛作樺注內說

訛作先徐堅初學記引方言此條正文作謂之樺注

文作音說與玉篇廣韻同趙亦作桃廣雅棧謂之牀

浴牀謂之招簀第也樹牀杠也牒牒版也曹憲音釋

牒音鞭注內簡牒當作音簡牒之牒牒下履屬二字

未詳當是如音鞭

等字訛舛而成

戴氏遺

微波榭刻

俎几也西南蜀漢之郊曰杜音賜楊前几江沔之間曰程

今江東呼為趙魏之間謂之槐音易几其高者謂之虞音節

音巨

案後漢書第五鍾離宋寒列傳藥崧家貧為郎常獨

直臺上無被枕杜注云杜謂俎几也方言云蜀漢之

郊曰杜說文云程林前几廣雅杜虞程彫俎几也虞

卽虞彫卽槐考工記梓人為筮虞鄭注云樂器所縣

橫曰筮植曰虞

筮筍古通用 充豫河濟之間謂之棖絡謂之格所以

籩棖也所以絡絲也音爰

轉籩絡

車也 案廣雅棖謂之籩本此曹憲音義籩于縛榮碧兩反

說文云籩收絲者也玉篇棖絡絲籩也籩卽籩之訛

羅車對反蘇趙魏之間謂之輶輶車東齊海岱之間謂之

道軌

案說文云維箸絲於筭車也筭筵也筵維絲筵也輕
輓亦通作麻鹿廣雅維車謂之麻鹿道軌謂之鹿車
木此玉篇云維
車亦名軌車

戶鑰自關而東陳楚之間謂之鍵

反巨塞

自關而西謂之

鑰

案鑰亦通作箭月令脩鍵閉慎管箭鄭注云鍵牡閉
牡也管箭搏鍵器也周禮司門掌授管鍵鄭注云管
謂箭也鍵謂牡郭璞爾雅序小藝之鈐鍵釋文
引方言云鑰也自關而東陳楚之間謂鑰為鍵

箒謂之蔽或謂之箒

音困

秦晉之間謂之箒吳楚之間或

謂之蔽或謂之箭裏

箒箭一名箭廣雅云

或謂之箒毒或謂之死

專死於辯反

或謂之匪璇

或曰竹器所以整頓箒者銓旋兩音

或謂之碁

所以投箒謂之枰評或謂之廣平所以行碁謂之局或

謂之曲道圍碁謂之弈自關而東齊魯之間皆謂之弈

案箒博古通用說文云箒局戲也六箸十二碁也古者烏胃作箒籥箒碁也局博所以行碁弈圍碁也荀子大略篇六貳之博揚倥注云卽六博也今之博局亦二六相對也楚辭招魂篇菝蔽象碁有六箒些王逸注云菝玉也蔽箒著以玉飾之也投六箸行六碁故謂六箒也洪興祖補注引方言此條文竝同史記范睢蔡澤列傳君獨不觀夫博者乎或欲大投或欲分功索隱引方言云所以投博謂之枰韋昭博弈論然其所志不出一枰之上李善注引方言投博謂之枰圍碁自關而東齊魯之間謂之弈春秋襄公二十五年左傳今甯子視君不如弈棋疏引方言此條文竝同廣雅箒著謂之箭妃專箒也廣平枰也曲道榻也圍碁弈也皆本此注內

方言疏證卷五終